





DISPUTATIO JURIDICA,

De

SUCCESSIONE
AB INTESTATO

MATERIA PER QUAM UTILI ET
quotidianâ;

QUAM

Auspice & Duce

DEO TER OPT. MAX.

PRÆSIDE

Clarissimo Consultissimoq; viro,

DN. GEORGIO-DAVIDE

LOCAMERO J. V. DOCTORE IN-

QUE CELEBRI ARGENTORATENSIVM

Universitate Professore Publico: Præ-

ceptore suo observando,

colendo.

In Auditorio Ictorum publicæ disqui-
sitioni committit

Ad diem Aprilis.

M. DANIEL PVLIAN ARGENTINA-

Alsatus.



ARGENTORATI,

EXCUDEBAT PAULUS LEDERTZ.

M. DC. XXII.

401.

42

1622, 6.

DISPUTATIO JURIDICA
DE
SUCCESSIONE
AB INTESTATO

DI. GEORGIUS DAVIDE
LOCAMERUS DOCTOR IN

DIO TER OPT. MAX.

In Auditorio ICORUM publico disputavit
Antonius

Ad diem Aprilis
M. DANIEL PUBLIUS

ARGENTORATI

MDCCXXV





NOBILISSIMIS,
AMPLISSIMIS, PRU-
DENTISSIMIS VIRIS:

Dn. ADAMO Zorn à Blosheim, INCLYTAE
Augustæ Trebocorum Reip. Prætori ejusdemque
celeberrimæ Vniversitatis Cancellario Gravif-
simo:

Dn. PETRO Storck, CONSULI ITIDEM
Consultissimo:

Dn. FRANCISCO-RVDOLPHO Ingolde,
Tredecimviro ibidem Eminentissimo:

DDD. SCHOLARCHIS, PATRIAE VT PACIS,
*ita belli tempore Patribus Constantissimis,
& nunquam satis Laudatis.*

NRAIANI IMPERATORIS, (VI-
ri Nobiliff. Ampliff. Prudentissimi) Affa-
bilitatem, Comitatem, humanitatem,
Magnificentiam, Liberalitatem, litera-
rum, literatorumq; Patrocinium, mirum
in modum deprædicat Aurelius Victor,
Author gravissimus: Laudibus ad cœlum usq; evehunt
eundem tria illa Principi summè necessaria, inq; illo de-
prehen-

*

prehensa requisita; Sanctitas domi, Fortitudo in armis,
Prudentia utrobiq; ; Nobilitat acclamatio Senatus, in-
deq; deductum πολυβύλλητον *Non Feliciores Augusto, non
Meliores Traiano.* Cur quod de Imperatore Histori-
cus hic noster jucundissimus refert jucundissimè, id mi-
hi ad vos Academiae hujus inelytae Scholarchas opti-
mos, transferre optimè non liceret? Quippe periculosis
& perturbatis hisce temporibus Ecclesiae Scholaeq; ho-
spitium concessistis, utq; iisdem benè sit operam dedi-
stis sedulo, datis adhuc quotidie, estis vé daturi in poste-
rum. Praclarum me Chrifte, juventuti viros pietate,
doctrinâ, fide praestantes praeficere! Vos Scholarchae
praeficitis. Magnum, sumptibus haud vulgaribus Do-
ctores & Professores instruere! vos Scholarchae instru-
ctis. Egregium, arcto quasi concordiae inter se vinculo
cum docentes, tum discentes continere! vos Scholar-
chae continetis. Eximium, certis veluti cancellis descri-
pta studia tueri! vos Scholarchae tuemini. Magnificum,
Academiae leges à Senatu Amplissimo datas, privilegia-
que facta, recta custodire! vos Scholarchae custoditis.
Singulari, eximiae spei adolescentes (Lysistrati divitias
habentes) ad Ecclesiae Scholaeq; utilitatem stipe annua
fovere! vos Scholarchae fovetis. Quis E. non laudibus
summis vos *Vir. Ampliss.* cum *Traiano Imperatore* dignos
judicaret? quis non grati memorisq; animi sui, quomodo
posset, quaeq; haberet, indicia proferret? etsi verò veris-
simum sit, quod ille ait,

Magna decent magnos:

Hicce verò meus discursus Iuridicus qualiscunq; poli-
tissimis vestris indignus sit auribus: siquidè nihil ad eas
pervenire debet, nisi iudicio limatum, industriâ, elabo-
ratum, arte tersum atq; politum: Et mihi tanta ingenij
ubertas

ubertas non existat, dicendi vis atq; copia mecum non
 inveniatur, omnis inventionis acumen, compositionis
 harmonia, verborum splendor & ornatus, locutionis
 suavitas & concinnitas, sententiarumq; gravitas procul
 a me absit; & fusius à me dilaudandum atque deprædi-
 candum esset, quâ Academiam, inq; ea docentes discen-
 tesq; prosequimini curâ, clementiâ! Eorum tamen in
 albo numeroq; nomen extare meum haud unquam pa-
 tiar, qui beneficia accepisse sese negant, quæ acceperunt,
 accepta vel dissimulant, vel non reddunt:

Bellua vasta prius pavido adjungentur ovili:

Nonq; feret plantas sylva, nec astra polus.

Quippe prius totum curret testudo per orbem:

Ebibet atq; prius flumina musca mari:

Quam Benefactorum capiat me oblivio turpis:

Nam nihil ingrato turpius orbis habet.

Idcirco astrigero currunt dum sydera cœlo;

Dum dabit exactus sydera clara polus;

Dum Phaethontis equiq; diem lucemq; coruscis

Naribus efflabunt; dum vehet aër aves;

Squam migerumq; pecus pennis dum vasta secabit

Aequora; conabor, gratus ut esse queam.

Quapropter spe minime dubiâ subnixus, confido fore
 Ampl. V. per exiguâ hancce de successione ab intestato
 disputationem in *venerationis symbolum*, *submissionis*
monumentum, *studiorum testimonium*, *ulterioris favoris*
incitamentum gratâq; *mentis indicium* esse accepturam,
 exilitatem illius non respecturam, perfectionem nullâ
 desideraturam: Sed bidente lanigerâ contentam esse,
 quod Deorum quandoq; in sacris fiebat, aut molâ falsâ,
 aut thure modico, siquidem bovis inaurati atq; trium-
 phati hostimentum offerre mea mihi non concedit pe-
 nuria. Illius tandem Poëtæ considerando,

Magna

Magna sed & parvis gratia inesse solet,
Stylum retraho & concludo. *Deus Ter Opt. Max. Ampl.*
V. dies multos eosq; lætissimos videre sinat; Remp. ut
nobilissimā, ita florentissimā seculis hisce verè concla-
matis, fartā te& tamq; diutissimè conservet: pacē largia-
tur, plenū illud refertūq; omni felicitate Cornucopiæ,
quosine retro squalore obsita jacet religio, friget justitia,
rigit honestas, marcet agricultura, languet mercatura,
cū primis verò triste, triste in exiliū bonis cū legib. Mu-
sæ mansuetiores expelluntur, prædæ lupis fiunt Martia-
libus, & non nisi excidiis templorū, depopulationibus
agrorum vastitudinibus urbium innutritis. Is E. qui so-
lus aufert bella usq; ad finē terræ, qui arcus conterit, ar-
ma confringit, currus comburit igne: Is inquā vos Aca-
demiæ Scholarchas, & Patriæ patres Dulcissimos suo re-
gat spiritu, ut religionē purā, nulloq; permixtam falsita-
tis ac superstitionis fermento protegere, in Academia
bonarum artium ac disciplinarum studia, (quibus ad
societatem, commerciaq; vitæ hujus, non magis care-
re, quam sole atq; aere possumus) à barbariei cœno situ
inertiæ, præstigiis sophistarum, imperitorum sannis at-
que calumniis conservare illibata, ad sui S. S. nominis
gloriā, Reip. salutem, clientumq; vestrorū incolumita-
tem queatis, Amen, Amen.

V. Nobilit. Amplit. Prud.

Subje&tissimus

M. Daniel Pulian Argentinā-Alfatus
Auth. & Resp.



DISPUTATIO JURIDICA


De

SUCCESSIONE AB
INTESTATO.

*Vtilem & quotidianam esse successionis ab intestato materi-
am, frequentia controversiarum in foro ostendit, & tam
stultorum quam sapientum Magistra EXPERI-
ENTIA testis est omni exceptione
major.*

Operam me igitur in illa (ingenioli mei habitâ ratione)
pertractanda perditurum minimè existimans,
illam DIVINA FAVENTE CLE-
MENTIA aggredior.

THESIS I.

 **U**M defunctus intestatus decedit, quod fit, cum quis
facere potuit testamentum, nec fecit; (a) vel si fecit
quidem, sed vitiosum: (b) tunc demum successio-
ni legitimæ fit locus. (c)

(a) l. i. in princ. ff. d. suis & legit. (b) princ. Instir.
h. t. t. ff. d. injust. rupt. irrit. fact. test. t. t. quibus mod. test. infirm. l. ut lib.
17. C. d. collation. r. t. d. inoffic. Forst. tract. de hered. qua ab intest. defer. lib.
3. cap. 3. num. 2. & 3. (c) l. quam diu 39. ff. de acquir. hered. Vult. libr.
Iurisp. Rom. l. c. 74.

A 2

II.



II.

Legitima verò hereditas dicitur, quia solâ lege, absque defuncti testamento, defertur: (a) unde & legitimi heredes, quibus ita defertur. (b)

(a) l. 3. §. 2. ff. pro socio. l. in plurium 70. & l. illud 77. ff. de acquir. vel omitt. heredit. (b) l. 2. §. ultim. ff. unde legit. l. 2. in princ. & t. t. de sui & legit.

III.

Legitimi autem heredes vel sunt cognati (sumpto cognatorum vocabulo generaliter) (a) vel extranei quidam.

(a) l. 1. 4. l. 10. ff. de grad. & ad fin. N. 118. in pr.

IV.

Gradus verò cognationis alij superiores ordinis sunt, alij inferioris, alij ex transverso sive à latere. (a)

(a) d. l. 1. in pr. ff. de grad. & ad fin. d. N. 118. in fin. pr.

V.

Prima successio disponitur descendentium sive liberorum esse: (a) qui naturæ simul & parentum communi voto ad hereditatem vocantur: (b) & ad bona parentum quasi debita jure sanguinis & naturæ perveniunt: (c) idq; hodiè omni sexus, emancipationisq; differentiâ remotâ. (d)

(a) d. l. 1. ff. de grad. & ad fin. d. N. 118. in fin. princ. (b) l. scripto 7. in fin. ff. si tab. test. null. ext. (c) l. cum ratio 7. ff. de bon. damnat. (d) §. item vetustas Inst. eod. l. maximum vitium 4. C. d. lib. praterit.

VI.

Quoniam verò liberi in multiplici differentia sunt; igitur & eorum succedendi ratio non uniformis, sed multiplex est.

VII.

Sunt enim hi vel primi, vel ulterioris gradus. (a)

(a) l. liberorum 220. ff. d. V. S.

VIII.

Primi gradus liberi vel ab eo, de cujus successione quæritur, sunt geniti, vel in genitorum locum suscepti. (a)

(a) §. sui autem heredes 2. Institut. de hered. qua ab intest. defer. D. Obrecht. disp. d. instit. hered. 0. 181.

IX.

IX.

Priores sunt vel naturales & legitimi simul, vel legitimati, vel naturales, vel spurij sive vulgò quæsti, vel ex coitu incestuoso, & à jure civili damnato, nati.

X.

Naturales & legitimi simul, qui secundum naturam ex conjunctione maris & fœminæ à lege expressè approbatâ, legitimo sc. matrimonio nati sunt, parentibus in capita succedunt; (a) nec refert tempore mortis parentum nati fuerint, vel etiam posthumi sint. (b)

(a) §. cum filius Inst. h. t. Auth. in successionem C. de suis & legit. N. 118. c. 1. (b) §. licet Inst. eod. l. Titius 6. cum seq. ff. de suis & legit.

XI.

Ubi obiter observandum, quod naturalis & legitimus simul ex diverso matrimonio natus, sui parentis bona, & donationem propter nuptias, dotemq; parentis accipiat. (a)

(a) l. cum alijs 4. C. de secund. nupt. N. 22. c. 1.

XII.

Legitimati pro diversitate modorum, quibus legitimatio fit, diversimodè succedunt. Modi autem legitimandi liberos naturales tres principales constituuntur: (a) Primus est oblatio curiæ; ubi talis à patre, vel à se ipso servitio curiæ offertur; (b) eoque legitimatus patri succedit, tam ex testamento, quam ab intestato, etiam cum alijs legitimè natis; sic tamen, ut non plus habeat, quam verè legitimus; (c) Verùm non fratribus legitimè natis, nec cæteris agnatis, sed soli patri succedit. (d)

(a) N. 74. quib. mod. nat. effc. legit. N. 89. quib. mod. nat. effc. sui. (b) d. N. 89. c. 2. (c) d. N. 89. c. & quoniam 3. (d) d. N. 89. c. filiū. 4.

XIII.

Secundus perficitur per rescriptum Principis, (a) aliumve, qui ab ipso Principe potestatem eam habet, ut sunt Comites Palatini. Quæ enim autoritate Principis fiunt, ab ipso Principe facta videntur. (b) Et ita legitimatus tunc demum ad patris admittitur successionem, quando non extant naturales & legitimi si-

mul: (c)

A 3

mul:

mul: his namq; extantibus nec patri, multò ergo minus aliis con-
sanguineis patris succedit. (c)

(a) d.N.89. c. illud tamen 9. (b) l. quacunq; i. §. qui manda-
tam l. etsi prator 3. ff. de offic. ejus cui mand. est jurisd. (c) d. N. 74. c. si
igit. licentia 2. Auth. item sine C. de nat. lib. d. N. 89. §. illud tamen. Vbald.
in tract. success. ab intest. in 1. part. n. 80. cum seqq.

XIV.

Tertius tandem & ultimus legitimandi liberos naturales
modus peragitur per subsequens matrimonium; (a) & hoc mo-
do legitimatus solus si sit, solus ab intestato: cum aliis verò natu-
ralibus & legitimis simul jam natis, nasciturisvè æqualiter succe-
dit. (b) Idque non solum in parentum, verum & aliorum agna-
torum, cognatorumq; hereditate, ut & in feudis quoq; (c)

(a) d. N. 89. c. reliquis 8. vers. si quis igitur dotalia. (b) c. tan-
ta extr. qui fil. legit. l. cum quis 10. C. d. nat. lib. d. §. 2. d. N. 89. d. 1. vers. ...
si quis. (c) Schneidvy. ad tit. de success. ab intest. num. 10. cum seqq.

XV.

Naturales tantùm in genere quidem dici quodammodo pos-
sunt, extra matrimonium nati quicunq; propriè tamen dicuntur
procreati ex concubina, quàm scil. quis domi uxoris loco habuit,
quia secundum naturam geniti sunt, nec jus civile eis aliquo modo
adversatur (a) ad patris intestati bona non admittuntur, nisi li-
beris uxorevè justà non extantibus, quo casu in sextantem cum
matre dividendum succedunt: (b) quod tamen ad nepotes ex-
tendi non debet: (c) A matris autem, & parentum maternorum
hereditate, sive soli sint, sive cum legitimis liberis concurrant, ar-
ceri minimè debent. (d)

(a) t. ff. d. concubin. t. C. d. nat. lib. N. 89. c. ult. (b) Auth. licet.
C. d. nat. lib. N. 18. c. 5. N. 89. c. 12. (c) l. fin. vers. sed hoc, cum seq. C. d. nat.
lib. d. N. 89. c. 12. in fin. Forst. tract. d. hered. que ab intest. defer. lib. 6. c. 10.
n. 5. (d) l. pen. C. ad SC. orfit. t. t. Inst. eod. l. 2. l. 8. ff. unde cognati.

XVI.

Cum neq; jure civili, neq; jure Canonico Concubinatus sit
sublatus, (a) non immeritò ambigitur, sit ne etiam in Rep. Chri-
stiana ferendus? N. (b)

(a) Forst.

406.

(a) Forst. de tr. lib. 6. c. 4. & 5. t. ff. de concubin. (b) Argum. Epist. ad Hebr. 13. vers. 4. Matth. 5. v. 31. & 19. vers. 7. Marc. cap. 10. vers. 4. Luc. cap. 16. vers. 18.

XVII.

Nunc ad spurios procedendum. Duplex autem spuriorum est appellatio: generalis & specialis: indifferenter enim & generaliter spurij appellantur, qui extra matrimonium & concubinatum procreantur, sive à complexu jure civili damnato, sive non damnato; ita quod incestuosi & adulterini filij quoque spurij appellantur: de quibus infr. th. 25. & seqq. 3. Specialiter verò tribus iterum dicuntur modis.

XVIII.

I. Nati ex libera & servo: (a) & hi patri non succedunt, cum servus bona propria non habeat, in quibus ei succederetur. (b)

(a) l. ex libera 6. cum ibi not. C. de suis & legit. (b) l. 13. ff. ex quibus caus. major. l. paterfam. 182. ff. de V. S. l. 4. C. commun. de success. l. 28. ff. de vulg. & pupill. subst.

XIX.

II. Qui habent patrem certum, sed talem, quem secundum honestatem demonstrare non licet. (a)

(a) l. vulgo concepti 23. ff. de statu hom.

XX.

III. Magis proprie & in specie dicuntur nati extra matrimonium & concubinatum ex soluto & soluta, ex concubinatu tamen à jure civili non damnato, & cuius civile poenam temporalem non imponit: ut sunt filij publicarum meretricum, qui vulgo quæsti appellantur, patremque habent incertum: & ideo patri aliisque ascendentibus per lineam paternam non succedunt. (a)

(a) §. Novissime 3. Inst. ad SC. Orfit. l. hac parte 2. l. si spurius 8. ff. unde cognati.

XXI.

Matri verò quæ semper est certa (a) aliisque ascendentibus per lineam maternam, non aliter ac si ex legitimo matrimonio nati essent, succedunt. (b)

(a) l.

(a) l. quia semper s. ff. de in jus voc. (b) d. §. Novissimè d. l. 2.
& l. Modestinus 8. ff. unde cogn. l. 1. §. sed & vulgo ff. ad SC. Tertull.

XXII.

Si enim in testamento præteriti fuerint, vel sine causa exheredati, competit eis quærela inofficiosa. (a)

(a) l. si suspecta 29. §. de inoff. ff. de inoffic. test.

XXIII.

Et ab intestato succedunt etiam cum aliis liberis legitimis, seu ex legitimo matrimonio editis. (a)

(a) Secund. Angel. in d. §. Noviss. & §. vulgo 4. de success. cogn. & d. l. hac parte 2.

XXIV.

Matri tamen illustri eatenus tantum, quatenus naturales & legitimi simul non extant, succedunt: his siquidem extantibus matris successione spurij privantur. (a)

(a) l. si qua illustris s. C. ad SC. Orfic.

XXV.

Nati deniq; ex damnato coitu dicuntur, qui procreati sunt ex complexu, cui lex civilis etiam pœnam temporalem imponit. (a)

(a) Secund. Angel. d. §. Novissimè.

XXVI.

Hi autem specialiori nomine vocantur vel incestuosi, qui sunt nati ex collateralibus & affinibus in gradu præsertim à jure divino prohibito: (a) vel nefarij editi scil. ex ascendentibus & descendentibus in infinitum. (b) vel adulterini, progeniti ex adulterio.

(a) gloss. supr. rubr. C. d. incest. nupt. (b) d. gloss. in rubr. C.

XXVII.

Atq; hi omnes tanquam indigni à paternâ & maternâ substantiâ repelluntur (a) & in successibiles sunt omnibus ascendentibus & descendentibus per lineam masculinam & fœmininam.

(a) c. si quid autem fin. N. 74. Auth. ex complexu C. d. incest. nupt. d. N. 89. cap. 15.

XXVIII.

Cumque nec filiorum appellatione fruuntur : igitur de jure civili etiam à parentibus non aluntur : (a) quamvis de æquitate Canonica alimenta ijs constitui possint : eà ratione, quod alimenta negare, sit necare. (b)

(a) *d. c. fin. d. Auth. ex complexu.* (b) *l. necare 4. ff. de libr. agnosc.*

HACTENVS DE LIBERIS AB EO,
de cujus Successione Quæritur
editis.

XXIX.

In locum genitorum suscepti liberi sunt Adoptivi, qui & legitimi tantùm dicuntur, eò quod secundum naturam non sunt filij (non nati quippe ex adoptante) sed tantum secundum legem, seu jus civile, quod istum filiationis modum introduxit.

XXX.

Sunt autem hi rursus vel adoptivi in specie, vel arrogati, & utrorumq; successio diversa.

XXXI.

Adoptivus enim, si quidem adoptatus sit ab extraneo, patri adoptivo intestato mortuo ut suus heres. (a) etiam cum aliis liberis naturalibus & legitimis simul, sive ante, sive post adoptionem natis, (b) exclusis ascendentibus ipsius adoptantis, (c) reservatâq; sui parentis naturalis hereditate. (d) æqualiter succedit. (e)

(a) *§. intest. in fin. §. sed ea omnia Inst. h. t. l. pen. §. sed ne articulum C. d. adopt.* (b) *l. si re 5. C. d. suis & legit.* (c) *l. 2. §. liberi ff. ad SC. Tertull. d. l. pen.* (d) *§. sed hodie 2. Inst. de adopt.* (e) *l. cum in adoptivis 10. C. d. adopt.*

XXXII.

Sed in adoptione ad mortem usque patris adoptantis non permanens, verum emancipatus, ab intestato ei non succedit: (a)

B

nec

nec ullum etiam remedium, sive juris civilis sive prætorij ad consequenda patris testati bona adversus testamentum ejusdem, in quo non fuerit heres institutus, habet. (b)

(a) d.l. pen. §. *sin autem C. de adopt.* (b) d.l. pen. §. *sed ne artic. d. §. sed ea omnia.*

XXXIII.

Patri autem adoptivo solum, non verò agnatis aut cognatis ipsius, nec uxori ejus succedit. (a)

(a) d.l. pen. §. *sed ne artic. vers. & ideo.*

XXXIV.

In feudo etiam talis adoptatus patri adoptivo non succedit. (a) hoc namq; modò, solâ dispositione Vasalli feudum ad extraneum pervenire posset. (b)

(a) c. *adoptivus, si de feud. def. content. In usibus Feud. libr. 2.*

(b) *contra c. 1. d. success. feud. & contra c. Imperialem de prohib. feud. alien. per Frid.*

XXXV.

Quod si verò adoptatus sit ab ascendente, ut statim in potestatem transit adoptantis; ita etiam ei succedit sicut filius naturalis & legitimus simul. (a)

(a) §. *sui autem. 2. §. sed ea omnia. 14. Inst. d. hered. qua ab intest.*

XXXVI.

Definit autem hic esse in potestate patris naturalis, neq; ei ab intestato succedit; neq; naturalis pater eum heredem instituire cogitur, quæq; acquirit, non naturali, sed adoptivo patri acquirit. (a) Exheredatus verò, vel præteritus in testamento patris adoptivi heres, rumpit testamentum; dummodo usq; ad mortem patris adoptantis in adoptione permanserit: aliàs secus. (b)

(a) d.l. pen. *in med. vers. si verò pater naturalis C. d. adopt.* (b) §. *sed hodiè Inst. d. adopt.*

XXXVII.

Filio ejusmodi adoptivo post mortem patris naturalis à patre adoptante emancipato, & sic utriusque hereditate destituto, quodnam remedium concedendum sit, haud à proposito alienum videtur

408.
videtur querere; Nos autem talem nepotem non ratione adoptionis avo, sed mortuo patre vel matre, jure representationis illi et jusq; filiis succedere statumus. (a)

(a) N. 118, c. 1.

XXXVIII.

Arrogatus porro & ex testamento & ab intestato patri arrogatori ut filius naturalis & legitimus succedit. (a)

(a) d. l. pen. C. de adopt.

XXXIX.

Arrogato impubere praterito in testamento, vel sine justa causa exheredato, omnia bona ad arrogatorem patrem deducta, una cum quarta bonorum patris arrogantis traduntur; conditioq; ex l. Divi Pij ad istam quartam consequendam ei competit. (a)

(a) l. Papinianus §. si quis impubes ff. d. in off. test.

XL.

Emancipato cum causa cognitione, tantum sua bona, non vero quarta patris arrogantis, addicuntur: absq; causa autem cognitione, secus. (a)

(a) §. cum autem impubes 3. d. adopt.

XLI.

Arrogatus deniq; in feudo patris arrogatoris (excepto ab avo paterno arrogato, & cui alias feudi successio competeret) non succedit.

d. c. adoptivus, si de feud. def. contenti.

HVC VSQVE DE PRIMI GRADVS

Liberis.

XLII.

Ulterioris gradus liberi nepotes sunt, neptesve, sicque deinceps.

XLIII.

Si soli sunt, ad avi hereditatem non in capita, sed stirpes admittuntur. (a)

B z

(a) l.

(a) l. 2. l. 3. C. d. suis & legit. Inst. d. hered. qua ab intest. def. §. cum filius.

XLIV.

Concurrentes cum primi gradus liberis, itidem in stirpes, jure repræsentationis succedunt. (a)

(a) N. 118. c. 1. Auth. in success. C. d. suis & legit.

XLV.

Et locum habet jus illud repræsentationis in linea descendentem in infinitum. (a)

(a) N. 118. c. 1.

XLVI.

In linea vero collateralis locum habet tantum in eo, quod fratrum liberi cum primis, vel matris fratre vel sorore superstite in stirpes succedunt. (a)

(a) N. 118. cap. 1.

ET HAEC DE PRIMO SVCCESIONIS
ab Intestato ordine descend. scilicet
dicta sufficiant.

XLVII.

Deficientibus liberis in infinitum, secundo loco parentes (turbato naturæ ordine; non enim sic parentibus liberorum, ut liberis parentum debetur hereditas, cum ratione pietatis & miserationis ad liberorum bona vocentur.) (a) in infinitum quoque (b) ad successionem defuncti ab intestato admittuntur.

(a) l. nam et si ff. d. inoff. test. l. scripto. §. ult. ff. unde lib. (b) c. si igitur def. desc. 2. d. N. 118. l. qui §. 4. §. parentes ff. d. in jus voc.

XLVIII.

Et quia pater & filius sunt correlativa: Correlativorum autem natura eadem: igitur tot species sunt parentum, quot liberorum: de quibus nunc in seqq.

XLIX.

Pater & mater si ambo super sunt & soli extant, pariter & æqualiter

409.
qualiter filio succedunt: (a) sublatâ differentiâ inter patrē & matrem veteri, ubi pater in successione filij præferebatur matri, tanquam agnatus cognato. (b)

(a) d. c. 2. N. 118. Auth. def. C. ad SC. Tertull. l. 3. §. fin autem C. de bon. qua lib. (b) §. præferuntur 3. Inst. ad SC. Tertull. l. 2. §. obijcitur. ff. ad SC. Tertull. l. 2. C. eod.

L.

Quando plures extant ascendentes in gradu dispares, tunc proximior in gradu, remotiorem excludit [a] Per patrem enim & matrem, avus paternus & maternus, tanquam personæ in gradu remotiori existentes, excluduntur.

[a] d. Auth. & d. N. 118.

L I.

Et cum jus repræsentationis in ascendentes locum non habeat [a] igitur matre mortuâ, pater excludit avum maternum, & vicissim. [b]

[a] d. Auth. ibi salva gradus. Angel. in §. præferuntur Instit. ad SC. Tertull. Grassus lib. sententiarum §. successio ab intestato c. 22. [b] gl. d. Auth. def. sup. vers. gradus. d. c. 2. sup. vers. proximi.

L II.

Plures ascendentes in secundo vel tertio gradu disparis numeri, defuncto tamen in pari gradu existentes, hereditatem illius non in capita, sed stirpes dividunt. [a] nullâ inter paterna & materna bona servatâ distinctione. [b]

[a] d. c. 2. N. 118. vers. si autem eundem [b] d. Auth. def. d. N. c. 2. vers. si autem plurimi. Forst. d. tract. lib. 7. c. 4. conclus. 6. Fachin. contr. 4.

L III.

Quando defunctus reliquit ascendentes & collaterales simul, videlicet sorores & fratres utrinq; conjunctos, tunc hi defuncto cum ejus patre & matre in capita secundum numerum personarum, ut parentes & fratres ipsius defuncti viriles sive æquales habeant partes succedunt. [a]

[a] d. N. 118. cap. 2. d. Auth. C. ad SC. Tertull. Auth. item hered. Cod. de bon. qua lib.

B 3

LIV.

LIV.

Fratrum utrinque defuncto conjunctorum liberi cum ascendentibus gradu proximis, & fratribus ipsius defuncti, ad successionem ejusdem admittuntur in stirpes. [a]

[a] N. 127. c. 1. ut frat. fil. succed. N. 118. c. 3. vers. si autem cum.

LV.

Privilegium concessum filiis fratrum utrinque conjunctorum, ut possint simul cum ascendentibus & fratribus defuncto ab intestato succedere, ad nepotes vel pronepotes fratris utrinque conjuncti premortui non extenditur, sed hujusmodi nepotes per parentes & fratres ipsius defuncti excluduntur, & solum fratrum filiis: illud datum est, juxta regulam, quod ultra fratrum filios jus representationis in collateralibus locum non habeat. [a]

[a] Auth. post fratres C. de legit. hered. Angel. §. praferuntur Inst. ad SC. Tertull.

LVI.

Deficientibus parentibus primi gradus, frater utrinque conjunctus avum aviamque non excludit. [a]

[a] d. N. 118. c. 2. vers. si vero.

LVII.

Ex uno tantum latere, veluti uno patre, sed diversis matribus, qui consanguinei; vel contra ex eadem matre, sed diversis patribus nati, qui uterini appellantur, conjuncti eorumque liberi cum ascendentibus non succedunt. [a]

[a] d. N. 118. c. 2. d. N. 127. c. 1. Auth. Cessante C. d. legit. hered. Fachin. 6. contr. 8.

LVIII.

Mater transiens ad secundas nuptias ex primo matrimonio unicum saltem habens filium, ei ab intestato in omnibus, tam à patre, quam aliunde acquisitis plene jure quoad usumfructum & proprietatem, etiamsi vivente filio nuplit secundo marito, succedit. [a]

[a] l. femina 3. in fin. C. d. secund. nupt.

LIX.

Plures ex primo marito habens liberos, & transiens ante vel post

post mortem unius ex filiis ad secundum matrimonium, tunc de jure novissimo ei pleno jure quoad omnia bona, quæ ad filium pervenerunt aliunde, quasi ex substantiâ paternâ, succedit: in bonis vero paternis solum habet usumfructum, non proprietatem. [a] Transitus enim ad secunda vota hodiè operatur privationem proprietatis illorum bonorum. [b] tantum, quæ à marito transeuntis pervenerunt ad filium, non autem aliorum bonorum ipsius filij mortui, licet ab avo, vel alio ascendente ad filium mortuum pervenerint, & hoc non saltem in matre, verum & patre obtinet. [c] idq; propterea, quia per transitum ad secundas nuptias principaliter filij afficiuntur injuriâ, & anima ac memoria mariti, præmortui, non aliorum ascendentium dicitur contristari. [d]

[a] c. 23. & c. 46. §. si a. intestatus N. 22. d. nupt. l. mater. C. ad SC. Tertull. [b] d. N. 22. d. l. 3. §. illud. Auth. ex testam. C. d. secund. nupt. l. 5. C. ad SC. Tertull. N. 2. c. 3. [c] d. N. 22. c. 23. vers. & hæc. communis Forst. lib. 7. c. 11. [d] N. 2. c. 1. d. non dig. secund. nub. ux. c. 20. §. soluto in pr. & c. 40. vers. nos a. miram. d. N. d. nupt.

LX.

Et hoc juris est in parentibus naturalibus & legitimis simul.

LXI.

Decedenti filio naturali intestato, pater naturalis in duabus tantum unciiis; mater in 10. (uxore tamen, vel naturalibus & legitimis simul liberis non relictis) succedit: Personæ enim excludentes filium à successione patris, ipsum quoque patrem excludunt. [a]

[a] Auth. licet. in fin. Cod. d. nat. lib. l. nam et si par. 15. ff. de inoffic. testament.

LXII.

Sola mater superstes, tali in omnibus succedit. [a]

[a] §. fin. Instit. ad SC. Tertull. l. hac parte 2. l. si spurius 4. ff. unde cognati.

LXIII.

Cum matre fratres ex eodem concubinato nati, defuncto in 10. unciiis succedunt, duabus interim patri naturali relictis. [a]

[a] Salic. d. Auth. def. in fin. C. ad SC. Tertull.

LXIV.

LXIV.

Ut filij spurij vel vulgò quæsitij patri succedere non possunt, cum sit incertus; ita è contrario pater & alij ascendentes per lineam paternam à filiorum vulgò quæsitiorum hereditate excluduntur. (a)

(a) d.l. si spurius 4. ff. unde cognati.

LXV.

Matrem semper certam existentem. (a) filio spurio indistinctè succedere, non aliter ac si ex legitimo matrimonio eum procreasset; textibus nititur inf. not. (b)

(a) l. quia semp. ff. d. in ius voc. (b) d. §. fin. Inst. ad SC. Tert. d. §. vulgo quæsitij 4. Inst. d. success. cognat. d. l. si spurius.

LXVI.

Et in matre illustri hoc obtinere quoq; communis DD. in §. fin. Inst. ad SC. Tertull. est sententia. (a)

(a) Schneidvy. Comment. ad t. d. hered. qua ab intest. def. §. d. success. par. vulg. quæf. n. 48.

LXVII.

Nec illa per filios suos naturales & legitimos simul ab hereditate filij excluditur: cum quoad spurios fratres tantum sint uterini & sic ex uno tantum latere conjuncti. (a)

(a) Angel. ad d. §. præferuntur Inst. ad SC. Tertull.

LXVIII.

Indistinctè natis ex damnato coitu parentum denegatur successio: E. & contra.

LXIX.

Pater adoptans extraneus filio mortuo adoptivo non succedit, sed pater naturalis & legitimus simul, utpote penes quem jus patriæ potestatis & sanguinis firmum permanet, (a)

(a) §. sed hodie 2. Inst. d. adops.

LXX.

Avus paternus vel maternus, filij adoptivi (quia effectus patriæ posteritatis quodammodo tolluntur & in adoptantem transferuntur) idoneus efficitur heres.

LXXI.

LXXI.

Arrogator arrogato sine liberis decedenti, inq; arrogatione ad mortem usq; permanenti, succedit.

LXXII.

Ut autem arrogator succedat, necessarium est, ut arrogatus decedat pubes; secus si impubes: cum hoc modo alij cognati arrogatori preferantur. (a)

(a) §. cum autem impubes 3. Inst. de adopt.

LXXIII.

Fratres & sorores utrinq; conjuncti, cum patre arrogatore hereditatem in capita dividunt. (a)

(a) d. Auth. def. ibi gl. & DD. in vers. mortuo.

DE SECUNDO ORDINE SUCCESS. Satis.

LXXIV.

Reliquus est tertius Collateralium scil. ordo, quibus lex duobus prioribus deficientibus hereditatem defert. (a)

(a) d. N. 118. c. 3. d. N. 127. c. 1. Auth. cessante C. d. legit. hered.

LXXV.

Fratres & sorores utrinq; conjuncti hac in successione primas tenent; exclusis omnibus alijs collateralibus, fratrum tantum filiis exceptis: illorumque successio fit in capita (a) horum vero quando cum illis concurrunt, in stirpes: (b) solis autem extantibus in capita quoq;. (c)

(a) d. N. 118. c. 3. d. N. 127. c. 1. d. Auth. post fratres. C. d. legit. hered.

(b) d. d. N. N. (c) d. N. 118. c. 3. arg. l. 2. §. hac hered. d. legit. hered. Reichs Abschied zu Speyr Anno 1529.

LXXVI.

Quoniam hac in successione fratrum & sororum par reperitur conditio, & jus (a) Igitur inter illos etiam nulla tam patrum, quam aliunde acquiritorum bonorum (allodialium scil. non autem feudali) habebitur ratio. (b)

C

(a) d.

(a) d. *Auth. cessante, Auth. itaq;* C. *commun. d. success. l. d. emanci-*
patis 13. in fin. C. d. legit. hered. (b) d. *hoc autem. d. his qui feud. dar. poss.*
in usibus feud.

LXXVII.

Quamdiu fratrum utring; conjunctorum liberi supersunt,
tamdiu ex altero saltem latere defuncto conjuncti fratres, nemque
patruus & avunculus excluduntur. (a)

(a) d. *N. 118. c. 3. vers. unde consequens. d. Auth. cessante.*

LXXVIII.

In bonis tamen feudalibus frater ex uno tantum latere pa-
terno scil. conjunctus defuncto succedit cum altero utring; con-
juncto, secus aliis in bonis: quia in feudalibus solum jus & vincu-
lum agnationis, non cognationis attenditur. (a)

(a) *princ. de success. feud.*

LXXIX.

Quod si neque fratres utrinque conjuncti, neque horum li-
beri superstites sunt, tum consanguinei & uterini, horumq; liberi
ante omnes reliquos cognatos, nullâ distinctione bonorum serva-
tâ ad defuncti hereditatem admittuntur in stirpes. (a)

(a) d. *N. 118. c. 3. vers. his enim non existentibus Auth. post fratres*
§. d. legit. hered. N. 84. c. 1. §. vult autem. d. consang. & uter. frat.

LXXX.

Frater ex uno latere ejusq; filij à successione defuncti exclu-
dunt illius patruum, similesq; personas, ut amitam, avunculum,
& materteram. (a)

(a) d. *Auth. post fratres.*

LXXXI.

Plurium fratrum vel sororum filij soli diversi numeri, quan-
do cum patruis succedunt, locum sui patris intrantes, tunc in stir-
pes; Patruis autem non extantibus, & sic proprio non representa-
tionis jure cum veniunt, in capita succedunt. (a)

(a) *l. post consanguineos 2. §. hæc hereditas ff. d. legit. hered. l. 1. in*
fin. ff. si pars hered. per. l. lege 12. Tab. 14. vers. illo proculdubio. l. meminimus

15. §. cum n. 3. versillo etiam. C. d legit. her. d. N. 118. d. §. si igitur def. desc.
vers. hujusmodi. Reichs Abschied zu Speyr. Anno 1529.

LXXXIII.

Post fratres fratrumque filios ad successionem reliqui collaterales quicunq; in gradu sunt proximiores remotioribus exclusis in capita, non stirpes vocantur in infinitum. (a)

(a) §. ceterum vers. etiam si longissimo gradu sint Instir. d. legit. agn. success. & §. ultim. ibi, etiam si longissimo gradu sint Instir. d. servili cogn. d. N. 118. cap. 3. vers. si vero omnes à latere cogn. & capit. 4. ibi omnes.

LXXXIII.

Nec duplex hinc vinculum conjunctionis, sed solum proximitas graduum, paritasque spectatur. (a)

(a) d. N. 118. c. 3. vers. hujusmodi.

LXXXIV.

Dicta de successione fratrum naturalium & legitimorum simul, in legitimatis per subsequens matrimonium eorumvé liberis obtinent: (a) cum sint verè legitimi (b) non autem legitimatis per rescriptum Principis, aut oblationem curiæ, cum hi patri solum non aliis cognatis, neq; ascend. neq; descend. neq; collateralibus patris succedant. (c)

(a) N. 117. c. 2. ut liceat matri & avia (b) c. i. tanta est vis. Extr. qui fil. sint legit. (c) N. 89. c. filium 4. Quibus modis nat. eff. sui.

LXXXV.

Fratres naturales tantum & alij collaterales per lineam paternam sibi invicem ab intestato non succedunt, quia nulla inter eos agnatio, vel cognatio de jure intercedit. (a)

(a) §. vulgo quæsitos 4. Inst. d. success. cogn.

LXXXVI.

Neque naturalis legitimusq; simul, & solus naturalis, neq; soli naturales ex diversis matribus sibi invicem succedunt. (a)

(a) gl. in l. hac parte 2. ff. vnde cognati.

C 2

LXXXVII.

42

LXXXVII.

Fratres & collaterales naturales tantum conjuncti solum ex lineâ materna sive omnes sint naturales tantum extra matrimonium ex concubinâ suscepti, sive mater eos ex diversis susceperit, sive unus sit naturalis tantum, alter vero per matrem ex legitimo matrimonio procreatus; itemq; sive naturales in specie, nati ex concubina, sive sint vulgo quæsi, cū omnes ad successionē ratione cognationis vocentur: (a) igitur sibi invicem. (b) succedunt.

(a) *d.l. 2. l. 4. ff. unde cogn. d. §. vulg. quæ sit.*

LXXXVIII.

Incestuosorum, nefariorum & adulterinorum, inter sese nulla est successio. (a)

(a) *Mynsing. 3. obs. 91.*

LXXXIX.

Adoptati à non extraneo, sed aliquo ascendente, in cujus potestatem transierunt, collaterasibus ex illo capite, quod naturali etiam conjunctione conjuncti sunt, succedunt. (a)

(a) *l. pen. §. 1. vers. & ideo sancimus C. d. adopt. l. qui in adopt. ff. d. adopt. Forst. tr. d. lib. 8. c. 14. n. 5.*

TANTVM ETIAM DE PRIORI DIVISIONIS \odot . sup. 3. propositæ membro; nunc ad posterius.

XC.

Posterius th. 3. propositum membrum Extraneorum quorundam esse diximus.

XCI.

Referuntur autem eò Conjuges, Consortes, Fiscus.

XCII.

Obindissolubile (a) inter conjuges divini & humani juris consortium (b) non existentibus descendibus (legitimis naturalibus scil. nam conjunx superstes alteri præmortuo succedit in solidum, excluso defuncti bastardo (c) ascendentibus & collatera-

443
lateralibus cognatis defuncti conjugis maritus, uxorvé succedit. (d)

(a) l. un. ff. unde vir. & uxor. (b) l. i. ff. d. ritu nupt. (c) Textor. in tr. de success. ab intest. n. 95. (d) l. un. C. unde vir. & uxor.

XCIII.

Uxor inops, nec dotem, vel perexiguam habens, (quia parum & nihil comparantur) (a) una cum liberis, marito interdum prædiviti, & amplam hereditatem relinquenti in quartam, si 3. sint liberi, in virilem portionem si plures, succedit, & contra maritus uxori. (b) idque propterea, ne conjunx superstes inops, post mortem alterius conjugis cogatur in opprobrium defuncti mendicare, quo vivente aliàs non mendicarat: atq; illud in honorem ac reverentiam matrimonii benè transacti (c) neve afflictio afflictio addatur. (d)

(a) l. quamvis ff. d. condit. & demonstr. gl. in l. ult. C. ad. l. Faviam de plagiariis (b) Auth. præterea C. unde vir. & uxor. (c) argum. l. unum ex familia 67. §. fin. ff. d. legat. 2. (d) l. divus. 14. ff. d. offic. præsid. junctâ gl. ibid.

XCIV.

Benè transacti matrimonij diximus propterea, quia & justum ac legitimum, (a) nec divortio aliquo (b) multo E. minus homicidio (c) solutum esse matrimonium debet.

(a) l. i. ff. unde vir. & uxor. l. qui contra 4. C. d. incest. nupt. (b) d. l. i. ff. unde vir. & uxor. (c) l. si ab hostibus 10. si vir. ff. solut. matrimon.

XCIV.

Hinc quæstio: Utrum maritus uxorem in adulterio deprehensam interficiens, cum pœna homicidij ordinaria non puniatur uxori nihilominus succedat? quod N.

XCVI.

Post conjuges Consortibus (a) & Collegiis legitimis in casibus in jure expressis, & ll. inf. scriptis, non verò aliis successio competit. (b)

(a) l. un. C. si lib. imp. fin. hered. decess. lib. 10. (b) l. 2. ff. d. ver.

C 3

& mi-

& milit. success. l. 6. §. ejus qui ff. d. injust. rupt. irrit. fact. test. l. 1. 2. 3. 4. & fin. C. d. hered. decur.

XCVII.

Postremo tandem loco Fiscus, prædictis omnibus non extantibus, in subsidium quasi, ne quis sine herede sit, in bonis illis vacantibus, (a) exclusis affinibus (b) & nutritoribus (c) venit.

(a) l. 1. & l. 4. C. d. bon. vacan. lib. 30. (b) l. 7. C. commun. & success. (c) l. 10. C. d. r.

XCVIII.

In illorum hereditate qui læsæ Majestatis (a) vel hæreseos (b) sunt damnati, Fiscus liberis & aliis consanguineis præfertur.

(a) N. 134. c. ultim. in fin. l. quisquis 5. C. ad l. Jul. Majest. (b) l. 4. C. d. Hæret.

XCIX.

Extra læsæ Majestatis aut hæreseos crimen condemnatis descendentes in infinitum, & ascendentes, usq; ad tertium gradum, ulterioribus à fisco exclusis, succedunt. (a)

(a) d. N. 134. c. ult. t. t. C. d. bon. proscript. Auth. bon. damn. C. eod.

C.

Atque hæc pro ratione instituti mei, se successionis ab intestato materiâ dicta sufficiant.

Laus & gloria Deo Vni & trino
In InsultVM.



447.

AD PRÆSTANTISSIMUM

Dn. M. Respondentem.

Volvere quid prodest sinuosa volumina Iuris?
Ecquid nosse juvat Codicis omne Sophos?
Et latuisse domi, nec apricas ire sub auras?
Muribus & muscis complacuisse suis?
Te PVLIANE, Themis præclaris laudibus ornat,
Quod tibi non trepido publica pugna placet.
Scilicet illa FORI prænuncia signa videntur;
Cujus eris quondam patria in urbe decus.

F.

M. Iohannes Paulius Crusius, Pr. Cl. Pr.
& P. L.

II.

Fallor? an idcirco Themis est Astræa vocata,
Quod æquet astris illa cultorem suum?
Nempe etiam est cæli sub fornice curia quadam,
Et legibus certis rotantur sidera:
Quod Reges homini sunt, id sunt sidera Mundo,
Regumq; nutui applicant se subditi.

Iuppiter

*Inppiter influxu bonus est, saturnus iniquus,
Veterator ille & crabro cæli luminum.
Tricones quasi sinistra crepant prope Iudicis aures,
Brutaq; lite dictitant dicam reo:
En etiam in cælo divortia Mutafacessunt
Cælinitela, & mutuas iras coquunt.
Iudicis Vrna bonum servat, condemnat iniquum:
En & serenos astra ventilant dies:
Mox jaciunt trisidos præstèras, atq; tremendis
Immugit orbis subditus conflictibus.
Inde Magistratus nostra sunt astra Themistos,
Et eminentior a plebe cetera.
Tu quia ad Astra & puteal clarere laboras,
Et ære stipas palladis cerebrum tuum:
Si sic (namq; via est excelsa) scandere perges,
Ad astra Curia Themis te subvehet.*

Gratulabundus

M. Ioh. Conradus Dannhavver.

II

Strapberg, Diss., 1693-22

ULB Halle


3

005 303 01X



1017





B.I.G.

Farbkarte #13

Blue Cyan Green Yellow Red Magenta White 3/Color Black

...IDICA,

401.

...ONE
...ATO

42

...VTILI ET

1622, 6.

...MAX.

...q. viro,
DAVIDE
...CTORE IN-

...RATENSIVM
...lico: Præ-
...do,

...ca disqui

...ilis.

...GENTINA-

...ATI,

...LEDERTZ,

...

